



AV MAGNIFIQUE ET VERTVEVX SEIGNEVR,
FRANSOIS LE FORT, SON TRESHON-
NORE COMPERE, SALVT.



A coustume est entre quelques natiōs, & mesmes personnes plus courtoises, treshonoré Compere, que pour tenir en vigueur les amitez & accointances, quilz ont ensemble, & lesquelles ilz preferent à toutes autres choses, ilz s'entr'enuoyent souuent quelques petits presens, comme de fruitz nouveaux és saisons, & autres tels dons, selon que les occasions le donnent, qui sont les marques & signes de la memoire de leur bien vueillance. Suiuant lexemple honeste & imitable desquels, ie vous enuoye maintenant quelques nouveaux fruitz de mon creu de plusieurs sortes, lesquelles i'ay cueilli au verger de mon sens, & les ayant assemblé, i'ay bien voulu vous enuoyer la cueillette entiere, afin que vous, qui auez, comme ie suis bien assure le goust & iugement subtil, iugiez s'ils sont francs, assez meurs, & de bonne seue. Les fruitz qu'orés ie vous presente donc sont quelque Châsons Musicales Fransoises, à quatre, à cinq, & huit parties, que i'ay fait imprimer en vn Volume, lequel i'ay bien voulu vous dedier, tant en recognoissance de la faueur & bonne affection que vous m'auetz tousiours monstrée, comme pour ce que ie cognoy que vous aymez la Musique, & y prenez plaisir, estant en icelle bien exercité. Receuez donc, & prenez en gré, ie vous prie, ce mien labour & petit present, & le prenez selon vostre benignité & humanité accoustumée en vostre protection & tutelle, ensemble celuy qui desire vous estre à iamais affectionné Seruiteur.

Jean de Castro.

A t